

Aen Led Maj Rim Gojgaeq

长满故事的篱笆

Va ciengj gonq lau laeng ndaetndet humx youq doxcaez, mwngz nyoengx gou caenx dawz valup oiqt ndonj ok aen led lumj raen mbouj raen de. Gou dinghdingh yawj aen led hai rim va, gyaqciq haenx, aen uk mbouj youz ndaej swheij siengj daengz doenghbaez.

Cib geij bi gonq, gou riengz bohmei youq ranz yahdaiq lajmbanj youq. Mwhde, ranznden seiqhenz cungj caengz buen bae; mwhde, ndaw doengh gvangqlangh ciengzseiz rwenz sing riu gou caeuq doengzdoh; mwhde ranzgeq, lij dwg aen ranzgeq dou; mwhde naj ranz lij humx miz gien led daengjsoh ndeu.

Mwhde gou maij caeuq doengzdoh ranznden guhcaemh “gaeb vunz”. Youq gwnz dieg veh gien ndeu, vunz rog gien mbouj miz banhfap “gaeb” dawz vunz ndaw gien. Doeklaeng, aenvih naj ranz yahdaiq miz aen hongh daegbied hung ndeu, dou couh dawz aen hongh yahdaiq dangqguh aen “gien” ancienz. Gou mbouj rimhoz ha, gou hozhaenz naj ranz daeggo ranznden miz baiz led iq ndeu, ndoj hauej ndaw led lumj dwg loq ancienz di nei, yienghneix, gou couh ngaq yahdaiq hix guh aen led ndeu, yienznaez gou

mbouj rox guh aen led gietsaed ndeu, yaek sai geijlai seizgan caeuq goengrengz, youq gou ngaq hwnj ngaq roengz lajde, yahdaiq guh hawj gou lo.

Lajmbanj gaeq haen ma raeuq, ndaw hongh lwgnyez guhcaemz bouxlaux nyaengq hong. Youq laj ndit dak ndit, led moq lumjbaenz hix caeuq dou doxcaez cwxcaih angqfaengz.

Doeklaeng, gou ciemhciemh majhung di lo, hag gij yiengh vunzhung heux aen led gyaengq dwk—gyoengqde youq ndaw naz rog led ndaem gomiuz, gou naengh youq ndaw led dajleix valwgbaeng gwnz led. Ndit, va, doenghnaz, aen led…… Gou mbouj dingz gaex, gven douled, seizgan laeglemx daj ndaw sing douled ngingi ngednged ndonjdeuz.

Caiq doeklaeng, ranzgeq yaek cekbuen lo, gyoengq ranznden gaengz buen bae ndaw singz, youq aen laeuz geij caengz sang youq, hoeng gou caeuq yahdaiq gyoengqde cungj sij mbouj ndaej gizneix, gou daegbied sij mbouj ndaej baiz led caemdingh haenx, gou daej dwk nauh dwk, baengh gij gou nienzgeij iq mbouj roxsoq, yungh rengz umj dawz aen led mbouj nyienh cuengq fwngz, hoeng youq baihnaj aen duihdujih sangvid hunghwd haenx, gou



lau lo. Seizgan hawj gou aen seizlwngnyez mbouj heiq mbouj you ndeu, doeklaeng hix daiq gij goekgaeng angqfaengz gou bae.

Gou byaij youq ndaw singz cauzhumhum, youq suenva ndaw singz gou caiq baez roeb daengz aen led lo, de caeuq aen led maj rim gojgaeq ndaejgeiq gou di ndeu hix mbouj doengz, hoeng de cix ndaej sawj gou siengj hwnj aen led seizlwngnyez. Aen led maj rim gojgaeq haenx itcig buenx gou majhung, buenx gou byaij loh engq gyae.

(Gyanghsuh Swnggh Swhungz Yen Swhungz Gyanghyen Gaugaep Cunghyoz gau ngeih Gyauz Ging'yih)

Gaiq Reihsizyen Gou

我的实验田

Daxgoeng daxbuz youq lajmbanj, moix bi seizcin cungj ndaem gohuq, baez daengz seizde, daxbuz couh louz ok gaiq dieg ndeu hawj gou. Bineix gou gietdingh ndaem duhhenj.

Daih'it dwg soeng namh. Youq daxgoeng bang gou lajde, gou yungh aenrauq seiq faenz rauq reih, yienzhaeuh dawz namh dub soiq, vat luengq iq. Daxbuz ra cehduh hawj gou, gou dawz cehduh vanq youq ndaw luengq iq, goemq namh hwnjbae, caiq vanq di modfaex, modfaex ndaej re namh raemx lae bae. Yienghneix couh ndaem ndei lo. Gou ngoenzngoeng muengh, hwnzhwnz muengh, duhhenj dauqdaej did ngaz lo. Gyoengqde ndonj ok namh daeuj, riengz rumz bidoengh, lumj vad fwngz coh gou nei. Gou angq dwk rag daxgoeng daeuj yawj ngaz duh. Daj neix gvaqlaeng, gou moix ngoenz cuengqhag ma ranz sij sat cozyez le couh bae cazyawj gyoengqde, maqmuengh yawjraen ngaz duh bienqvaq. Baez yaepda, geij ngoenz gvaqbae lo, ngaz duh song dip duh loeng le, mbaw duh hainduj maj okdaej. Seizde dwg seiz maj ndaej vaiq, gou hainduj byoq bwnhnajmbaw, dinghseiz rwed raemx. Menhmenh dwk, duhhenj hauej duenh majhung daihsam, daj miuz duh bienqbaenz go duh, gou angq lai lo. Hoeng, ngeix mbouj daengz cainanh daeuj lo, go duh deng duz nou gaet raek geij go lo. Gou gig siengsim, gou siengj henhoh geij go duh lw roengzdaej haenx. Gou youq henz cuengq ywnou, miz yungh dahraix bw, go duh lw roengzdaej haenx hai ok va iq saekgyaemq, doeklaeng dawz faek heusau



benjbed. Ngoenz gvaq ngoenz, faek duh bongq hwnjdaej bienq fag lo, daengz seizcou, mbaw duh loeng lo, cij lw faek duh bienq henj baenzcug haenx lo. Mwh sou duh, gou miz cungj angqfaengz gangj mbouj ok ndeu.

Faenh ndaemndai ndeu faenh souhndaiej ndeu, gou mbouj dan soundaej duhhenj, lij soundaej vaiqvued, caen dwg guhhong cei q miznaj!

(Hwzlungzyangh Swngj Suihlwngz Yen Daih'it Siujoyz sei q (3) ban Liuz Vanh)

Laex Gwn Haeux Ranz Gou

我家的餐桌礼仪

Daj iq daengz hung daxmeh couh son gou, gwn haeux yaek miz gij yiengh gwn haeux, yaek caj vunz daengz caez le cij ndaej gwn; mwh gwn haeux, mbouj ndaej diu gwn, mbouj ndaej haeux byaek doek, mbouj ndaej duet haiz, engq mbouj ndaej giuhga; danghnaez miz hek daeuj, yaek hawj bouxhek dawz dawh geb byaek gonq……

Gou daegbied maij gwn noh, geiq ndaej miz baez ndeu, daxmeh cawj noh cau j lwgmanhheuh, gou ndwn youq bakdou ranzdajcawj, yawj noh ndaw deb, myaij rih lo.

Caj gwn cei q nanz ngauz. Mbouj yungzheih caj vunz daengz caez lo, haeux byaek hix hwnj daiz caez lo, dawh ndaw fwngz gou couh hainduj mbouj dingz bae geb byaek, cienmonz geb noh gwn. Daxmeh raen le, ae mbat ndeu. Gou ngiengx gyaeuj baez yawj, naj daxmeh gig yiemz, mwhde gou cij siengj hwnj laex gwn haeux daxmeh son gou haenx. Gou ganjvaiq dingz fwngz, daxmeh dwg boux “fapguen” ranz gou ne, danghnaez miz vunz mbouj dingq vah, neix aiq deng moeb bw.

Mboujgvaq, youq daxmeh yiemzguenj baihlaj, moix baez gou caeuq vunz ndaw ranz ok rog caeuq baengzyoux gwn haeux, gyoengqvunz cungj haenx gou dwg boux lwngnyez miz laex ndeu.

(Sanhdungh Swngj Caujcaengh Si Sicunghgih Gensez Lu Siujoyz ngeihnienz gaep Vei Yenzboz)

